



"Zaista su sinovi Israilovi propali kada su ovo njihove žene počele nositi."

Od Humejda b. Abdurrahmana prenosi se da je Muavija, radijallahu anhu, u godini kada je obavio hadž, dok je držao govor na minberu, iz ruke svoga čuvara uzeo dio kose i rekao: "O stanovnici Medine, gdje su vaši učenjaci!? Čuo sam Vjerovjesnika, sallallahu alejhi ve sellem, kada je ovo zabranio i rekao: 'Zaista su sinovi Israilovi propali kada su ovo njihove žene počele nositi.'"

[Vjerodostojan] [Muttefekun alejh]

Humejd b. Abdurrahman b. Avf, rahimehullah, obavještava nas da je Muavija, radijallahu anhu, u godini kada je obavio hadž, dok je držao govor na minberu, u ruci imao dio kose, a to je krpom umotana kosa koju je uzeo iz ruke jednog od svojih čuvara, rekao: "O stanovnici Medine, gdje su vaši učenjaci!?" Želio je time da ih ukori zbog njihove neobziranosti prema ovom pokuđenom djelu. Zatim ih je obavijestio da je Allah Uzvišeni upropastio sinove Israilove kada su njihove žene počele nadovezivati kosu, pa su svi bili uništeni zbog toga što su podržavali takvo zabranjeno djelo, uporedo sa svim ostalim djelima koja su radili, a koja su im bila zabranjena.

<https://sunnah.global/hadeeth/bs/show/8915>

